

06.05.2015.



Udruženje poslodavaca BPK Goražde obilježilo je 06.maja 10 godina od svog osnivanja.

Prigodni program obilježavanja 10-godišnjice Udruženja poslodavaca BPK Goražde u „Drinskoj bašti“ započeo je prisjećanjem sa Osnivačke skupštine Udruženja poslodavaca 06.maja 2005.godine. Nakon toga prezentovane su fotografije koje su obilježile rad Udruženja za protekli period.



U nastavku programa obratili su se gosti koji su čestitali poslodavcima jubilej.

Između ostalog predsjednica Skupštine BPK Goražde g-đa Aida Obuća kazala je da je sretna

što se nalazi na obilježavanju ovog jubileja i uz čestitke poručila poslodavcima da stoji na raspolaganju u svakom momentu kada je u pitanju bilo koja vrsta saradnje.

Ministar za finansije BPK Goražde gosp. Nudžeim Džihanić uz čestitke obilježavanja jubileja rekao je da uvažava Udruženja poslodavaca i da je zaprimio zahtjeve za rasterećenje privrede po pitanju mnogih zakona i da će nastojati da se rastereti privreda i naglasio da će zajedno sa Udruženjem poslodavaca stvarati bolji poslovni ambijent i bolje uslove privređivanja privrednih subjekata sa područja BPK Goražde.



Direktorica Službe za zapošljavanje BPK Goraždeg-đa Nafija Hodo je iskazala veliko zadovoljstvo saradnjom sa Udruženjem poslodavaca i istakla da svi javni pozivi koje je Služba objavila bili su blagovremeno stavljeni na web stranicu Udruženja poslodavaca i time pomogli Službi da poslodavci saznaju za programe. Direktorica je pomenula Sporazum o saradnji sa Udruženjem poslodavaca koje vrlo dobro funkcioniše. Direktorica je također čestitala Udruženju jubilej i poželjela sve najbolje i u nastavku rada.

Načelnik općine Goražde dr. Muhamed Ramović je iskazao zadovoljstvo radom Udruženja poslodavaca i saradnjom sa njim, te rekao da mu je drago da se ovo danas organizovalo. Obećao je i daljnju podršku Udruženju u skladu sa mogućnostima općine, te na kraju uputio iskrene čestitke povodom obilježavanja ovog jubileja.




Predsjednik Privredne komore gosp. Dževad Terović je također čestitao jubilej, te naglasio posebno dobru saradnju između Udruženja poslodavaca i Privredne komore.

Ministar obrazovanja, nauke, kulture i sporta gops. Damir Žuga je rekao da će nastojati da obrazovni sistem prilagodi potrebama poslodavaca te da će ministarstvo stajati na raspolaganju Udruženju poslodavaca. Uputio je iskrene čestitke povodom obilježavanja 10 godina Udruženja poslodavaca.

Ministar za privredu gosp. Esed Radeljaš je čestitao jubilej i rekao da će u svakom momentu podržavati dobre projekte koje ponudi Udruženje poslodavaca, te je kazao da je već prisustvovao sastancima sa Udruženjem poslodavaca i da će uvijek prisustvovati kad god bude pozvan.

U djelu programa u kojem je predviđeno obraćanje poslodavaca obratili su se gosp. Ibro Mašala, Avdo Kuljuh i Hasan Tafro. Govorili su o samoj ideji osnivanja Udruženja, te da su sretni da su dočekali da se obilježava jubilej 10 godina postojanja. Govorili su da se treba uključiti više poslodavaca u Udruženje, te da poslodavci trebaju međusobno mnogo više da sarađuju i razmjenjuju mišljenja i iskustva.





Obilježavanje jubileja upriličen je i ručak, te se uz ugodno raspoloženje nastavilo



Tehnička služba Udruženja poslodavaca